



SAOPŠTENJE ZA JAVNOST

PROCESUIRANJE SLUČAJA NAPADA NA NOVINARA I SNIMATELJA CENTRA ZA ISTRAŽIVAČKO NOVINARSTVO (CIN)

(Brčko, 03.03.2025. godine)

Odmah po prvim saznanjima za napad na novinara i snimatelja Centra za istraživačko novinarstvo (CIN) u Brčkom na dan 27.02.2025.godine, Policija Brčko distrikta BiH je u saradnji i pod nadzorom Tužilaštva Brčko distrikta BiH sprovela hitne istražne radnje i dostavila Izvještaj o počinjenom krivičnom djelu.

Na osnovu sprovedenih istražnih radnji utvrđeno je postojanje osnova sumnje da je lice G.B. (58)* godine iz Brčkog, izvršilo krivično djelo "Laka tjelesna povreda" iz člana 170. stav (1) i krivično djelo "Oštećenje tuđe stvari" iz člana 287. stav (1) Krivičnog zakona Brčko distrikta BiH na štetu novinara i snimatelja Centra za istraživačko novinarstvo (CIN).

Tužilaštvo Brčko distrikta BiH je odmah po prijemu Izvještaja o počinjenom krivičnom djelu otvorilo KT predmet, te u skladu sa zakonskim ovlaštenjima izdalo tužilačke naredbe za poduzimanje adekvatnih istražnih radnji na utvrđivanju svih odlučnih činjenica neophodnih za donošenje tužilačke odluke i daljeg toka procesuiranja osumljenog lica u ovom slučaju.

Ovom objavom ne prejuducira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.

**VRŠILAC DUŽNOSTI
GLAVNOG TUŽIOCA**

RADMILO IVANOVIĆ